



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 20. Sommersetus Dux pactis conditionibus Rothomago egressus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

§. XX.

Sæcul. XV.
A. C. 1447.*Dux Sommersetus pactis conditionibus
Rothomago egressus.*

Dux Sommersetus, & Talbotus belli Præfectus hoc civium foedere ad desperationem adducti, portas ac urbis moenia occuparunt, sed a civibus mox inde ad vetus palatium, castrum, & pontem depulsi, fuga salutis suæ consulere coacti sunt, tota urbe, turribus, & potissima portarum parte Rothomagensium arbitrio, atque potestati relictis. Dum hæc in urbe fierent, Dunensis Comes opportuno tempore copias suas ad arcem Sanctæ Catharinæ admovit, & Præfectum præsidii ad deditorem induxit, qui illico arcem ejus imperio subiecit. Cives quoque Rothomagenses Comiti obviam effusi, urbis suæ claves porrigebant, militibus ejus liberum, tutumque ingressum patere contestati. Ille autem suorum haud plures, quam Anglos in locis per eos occupatis cingendi necessitas exegerat, in urbem introduxit, nihilominus a civibus adjutus, Sommersetum Ducem veteri palatio inclusum adeo in arcem coegit, ut duodecimo die certis conditionibus se dedere, & palatium vetus, Rothomagensem arcem, *Tancarville.* Honflorium, Arcam, Calidobacum, *Montivilliers.* Tancarvilam castrum, Juliobonam & Montivilliam

villa-

Sæcul. XV.
A. C. 1449.

villarium reddere, necnon Gallos a se captos libertati restituere sponderet, Regique infra annum quinquaginta aureorum millia pendere, & Talbotum unacum aliis quinque, vel sex belli Præfectis obsides relinquere pacisceretur. His conditionibus ita firmatis Duci, ejusque conjugi, atque liberis, cunctisque præsidariis militibus sese, quocumque libuerit, recipiendi, secumque omnis generis impedimenta, exceptis majoribus belli tormentis, devehendi copia concessa est, datis liberi commeatus literis. Præterea Rex sibi Harflevium cedi postulabat; id vero Sommersetus constanter recusavit, ne, inquebat, urbem illam, quæ inter primitias Victoriarum Henrici V. numeratur, hosti tradidisse argueretur. Interim Dux iste feria tertia, quæ erat quarta dies Novembris, unacum militum suorum reliquiis Rothomago excessit.

§. XXI.

Rex Rhotomagum ingressus.

Igitur die decima Novembris, qua Sancti Martini profestum agebatur, Rex solemnissima pompa, & magnificentia vere Regia, quam fusiore calamo Joannes Chartierus describit, Rothomagum ingreditur. Agmen ducebant primi Sattelli-

Jean. Chartier. Hist. Carol. VII. pag. 180. Art. 1449.